

Lescha da taglia dalla pleiv roman-catolica da Rueun-Ruschein-Siat-Pigniu



Baselgia s. Andriu, Rueun



Baselgia s. Gieri, Ruschein



Baselgia s. Flurin, Siat



Baselgia s. Valentin, Pigniu

I. Disposiziuns generalas

Art. 1 Object

La vischnaunca da pleiv (el suandont cuort: pleiv) roman-catolica Rueun-Ruschein-Siat-Pigniu incassescha las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad;
- b) ina taglia supplementara ed ina taglia penala.

Art. 2 Dretg subsidar

Aschinavon che questa lescha cuntegn buca reglaziuns, vegnan las disposiziuns dalla lescha davart taglias communalas e da baselgia sco era las leschas da taglia communal e cantunala applicadas conform lur senn.

II. Dretg material

Art. 3 Pei da taglia

¹ Las taglias sin las entradas e sin la facultad vegnan incassadas en pertschiens dalla taglia cantunala semplia.

² La radunonza generala dalla pleiv fixescha sil pli tard il december il pei da taglia per igl onn fiscal suandont.

Art. 4 Subject da taglia

¹ Obligadas da pagar taglia ein tuttas persunas da confessiun catolica romana che appartegnan alla pleiv sco era tuttas persunas da quella confessiun ch'ei domiciliadas ordeifer il territori dalla pleiv e ch'ei obligadas limitadamein da pagar taglia tenor il dretg cantunal en la vischnaunca Ilanz/Glion ed el cantun Grischun.

² L'obligaziun da pagar taglia sedrezza tenor l'appartenenza ecclesiastica dallas singulas persunas ch'ei obligadas da pagar taglia alla fin dalla perioda fiscala ni tenor l'obligaziun da pagar taglia, sco era tenor las disposiziuns dalla lescha cantunala da taglia.

³ En lètgs, nua ch'ils conjugals appartegnan a differentas confessiuns, ston ils facturs totals vegnir reparti mintgamai per la mesadad sin omisdus conjugals.

III. Dretg formal

Art. 5 Autoritats

¹ L'execuziun da questa lescha schai en cumpetenza - cun resalva dall'alinea 2 - dallas autoritads ch'ei incumbensadas cun l'execuziun dallas taglias communalas correspondentas

² Davart l'obligaziun subjectiva da pagar taglia decida la suprastanza dalla pleiv.

Art. 6 Scadenza ed incassament

¹ Las taglias da baselgia scadan ensemen cun las taglias communalas

² Ellas ston vegnir pagadas ensemen cun las taglias communalas.

IV. Disposiziuns finalas

Art. 7 Entrada en vigor


¹ Questa lescha ei vegnida approvada dalla radunonza generala constitutiva dalla pleiv Rueun-Ruschein-Siat-Pigniu ils 9 d'october 2016. Ella entra en vigor igl 1. da schaner 2017.

² Cu questa lescha va en vigor, ein tuttas disposiziuns d'auters relaschs che statten en cuntradiziun cun ella abolidas

Aschia acceptau dalla radunonza generala constitutiva dalla pleiv Rueun-Ruschein-Siat-Pigniu, ils 9 d'october 2016.

Per la suprastanza transitorica dalla pleiv roman-catolica da Rueun-Ruschein-Siat-Pigniu



.....
Florin Valaulta, president


.....
Ursula Capaul, actuara

Approvà da la regenzà tenor il conclus dal/dals 20.12.2016 nr. 114

En num da la regenza

.....
Liug/datum:


.....
Il president **Dr. Chr. Rathgeb**


.....
Il chancelier **Dr. C. Riesen**

